

সর্বকার্যে সফলতার সহজ সাধন স্নেহ

আজ বাবা বিশেষ ভাবে অত্যন্ত স্নেহের (মুরব্বি, অভিভাবক) বাচ্চাদের স্নেহের রিটার্ন দিতে এসেছেন। মধুবনবাসীদের অক্লান্ত সেবার বিশেষ ফল দেওয়ার জন্যই শুধু মিলন উদযাপন করতে এসেছেন। এটা স্নেহের প্রত্যক্ষ প্রমাণ স্বরূপ। ব্রাহ্মণ পরিবারের বিশেষ ফাউন্ডেশন এই বিশেষ স্নেহ। বর্তমান সময়ে স্নেহই সেবার সর্বকার্যে সফলতার সহজ সাধন। যোগী জীবনের ফাউন্ডেশন তো বিশ্বাস, কিন্তু পরিবারের ফাউন্ডেশন স্নেহ এবং এই স্নেহই কারণ হৃদয় তোমাদের কাছে নিয়ে আসে। বর্তমান সময়ে স্মরণ আর সেবার ব্যালেন্সের সাথে স্নেহ আর সেবার ব্যালেন্স সফলতার সাধন। তা' দেশের সেবা হোক বা বিদেশের সেবা, দুইয়েরই সফলতার সাধন আধ্যাত্মিক স্নেহ। জ্ঞান আর যোগ শব্দ তো অনেকের থেকে শুনেছ, কিন্তু দৃষ্টি এবং শ্রেষ্ঠ সঙ্কল্পের দ্বারা আত্মাদের স্নেহের অনুভূতি হওয়া - এটাই বিশেষত্ব এবং নতুনত্ব। আর আজকের বিশ্বের প্রয়োজন স্নেহ। কোনও আত্মা যতই অভিমानी হোক স্নেহ তাকে কাছাকাছি নিয়ে আসতে পারে। স্নেহের ভিত্তিরা শান্তির ভিত্তি, কিন্তু স্নেহপূর্ণ দৃষ্টি দ্বারাই শান্তির অনুভব তোমরা করতে পার। সুতরাং স্নেহ স্বতঃই শান্তির অনুভব করায়, কারণ তখন তোমরা স্নেহে নিমজ্জিত থাক। এই কারণে অল্প সময়ের জন্য তোমরা নিজে থেকেই অশরীরি হয়ে যাও। সুতরাং অশরীরি হওয়ার কারণে শান্তির অনুভব সহজ হয়। বাবাও স্নেহেরই রেসপন্স দেন। রথ চললেও বা না চললেও বাবাকে স্নেহের প্রমাণ দিতেই হবে। বাচ্চারা, তোমাদের মধ্যেও স্নেহের এই প্রত্যক্ষ ফল বাপদাদা দেখতে চান। কয়েকজন (গুলজার দাদী, জগদীশ ভাই এবং নিবৈর ভাই) বিদেশ সেবা করে ফিরেছেন আর কেউ কেউ (দাদীজি এবং মোহিনী বোন) যাচ্ছেন। সেই আত্মাদেরও স্নেহের ফল প্রাপ্ত হচ্ছে। ড্রামা অনুসারে তোমরা ভাবো এক, হয় আরেক। তবুও ফলের প্রাপ্তি হয়েই যায়, সেইজন্য প্রোগ্রাম তৈরিও হয়ে যায়। সবাই তোমরা নিজের নিজের পার্ট খুব ভালো ভাবে পালন করে এসেছ। পূর্ব নির্দিষ্ট ড্রামা স্থিরীকৃত, সেইজন্য সহজে তোমরা রিটার্ন প্রাপ্ত কর। বিদেশও অতি নির্ভার সঙ্গে সেবাতে এগিয়ে যাচ্ছে। সর্বত্রই তাদের মধ্যে দুর্দান্ত মনোবল আর উদ্যম। সকলের হৃদয়ের কৃতজ্ঞতার সঙ্কল্প বাপদাদার কাছে পৌঁছাতে থাকে, কারণ তারাও বুঝতে পারে যে ভারতেও কত প্রয়োজন আছে, তবুও ভারতের স্নেহই তাদের সহযোগ দিচ্ছে। ভারতে সেবার জন্য সহযোগী পরিবারকে তারা হৃদয় থেকে ধন্যবাদ জানায়। দেশ যতই দূরের ততই তারা হৃদয় থেকে লালন-পালনের যোগ্য হওয়াতে কাছে, সেইজন্য বাপদাদা চতুর্দিকে বাচ্চাদের কৃতজ্ঞতার রিটার্নে স্মরণ-স্নেহ আর ধন্যবাদ দিচ্ছেন। বাবাও তো তোমাদের গীত গেয়ে থাকেন, তাই না!

ভারতেও উৎসাহ-উদ্দীপনার সাথে তারা শান্তির জন্য পদযাত্রার ক্ষেত্রে খুব ভালো ভূমিকা (পার্ট) পালন করছে। চতুর্দিকে সেবার আড়ম্বর খুব সুন্দর। উৎসাহ-উদ্দীপনা তোমাদের ক্লাস্তি ভুলিয়ে সফলতা প্রাপ্ত করছে। চারিদিকে সেবার সাফল্য খুব ভালো। সেবার জন্য বাচ্চাদের উৎসাহ-উদ্দীপনা দেখে বাপদাদাও খুশি হন।

(নাইরোবিতে পোপের সাথে জগদীশ ভাই সাক্ষাৎ করে এসেছেন)

পোপকেও তো দৃষ্টি দিয়েছ, তাই না? এটাও তোমার জন্য ভি. আই. পি.-দের সেবায় সহজে সফল হওয়ার সাধন। যেমন ভারতে রাষ্ট্রপতি বিশেষভাবে এসেছেন। সুতরাং, তোমরা এখন বলতে পার যে ভারতেও ভি. আই. পি.রা এসেছেন। তেমনই বিশেষতঃ বিদেশে মুখ্য ধর্মের প্রভাবশালী নেতারা যদি তোমাদের নিকট-সম্পর্কে আসে, তখন যে কোনো কেউই সাহস রাখবে তোমাদের সম্পর্কে আসার যে তবে আমরাও যাই। সুতরাং, দেশেরও সেবার সাধন ভালো হয়েছে আর বিদেশেও সেবার সাধন ভালো হয়েছে। সেইজন্য সময় অনুসারে সেবাতে কাছাকাছি আসায় কোনও বাধা এলে, সেটাও সহজে সমাপ্ত হয়ে যাবে। অন্ততঃ প্রাইম মিনিষ্টারের সাথে মিলিত হতে পেরেছ তো! সুতরাং, দুনিয়ার লোকের জন্য এই এক্সাম্পলও সাহায্য করে। সকলের কোশ্চেন, 'আর কেউ এসেছে কিনা', এই কোশ্চেন এখন সমাপ্ত হয়ে যায়। সুতরাং, ড্রামা অনুসারে এটাও এই বছরে সেবাতে সহজ প্রত্যক্ষতার সাধন হয়েছে। তারা এখন কাছাকাছি আসছে। এদের তো শুধু নামই কাজ করবে। সুতরাং নামে যে কাজ হবে তার ভূমি প্রস্তুত হয়ে গেছে। তারা আওয়াজ ছড়িয়ে দেবে না। যারা আওয়াজ প্রসারিত করবে সেই মাইক অন্য। এরা মাইককে লাইট দেবে। কিন্তু তবুও ভূমি খুব ভালো প্রস্তুত হয়েছে। যারা বিদেশে আগে ভি. আই. পি.-দের জন্য সেবা করতেন মনে করত, এখন তারা চতুর্দিকে সহজ অনুভব করে, এই রেজাল্ট এখন ভালো। তাদের নামে যারা কাজ করবে তারা তৈরি হয়ে যাবে। এখন দেখো কে নিমিত্ত হয়! ভূমি প্রস্তুত করতে তোমরা

সবাই সর্বত্র গেছ । বিভিন্ন দিকে তোমরা তোমাদের চরণস্পর্শে ভূমি তৈরি করেছ । এখন তাৎক্ষণিক ফল প্রত্যক্ষ রূপে কোথা থেকে বেরোবে, এখন সেই প্রস্তুতি চলছে । তোমাদের সবার রেজাল্ট ভালো ।

পদযাত্রীও এক বল, এক ভরসায় এগিয়ে যাচ্ছে । আগে কঠিন লাগত । কিন্তু যখন তা' প্র্যাকটিক্যালি হয় তখন সহজ হয়ে যায় । সুতরাং দেশ-বিদেশ থেকে আগত সবাইকে এবং যারা সেবার নিমিত্ত হয়ে সেবা দ্বারা অনেককে বাপদাদার স্নেহী ও সহযোগী বানিয়ে এসেছে, তাদের সবাইকে বাবা স্মরণ-স্নেহ দিচ্ছেন । সব বাচ্চার বরদান নিজের নিজের । ভারতে শান্তি-পদযাত্রায় যে বাচ্চারা চলেছে, বিদেশের চতুর্দিকে সেবার্থে নিমিত্ত হওয়া বাচ্চাদের এবং শ্রেষ্ঠ সেবার নিমিত্ত মধুবন নিবাসী বাচ্চাদের, সেইসঙ্গে শান্তি-পদযাত্রী বাচ্চাদের যে বাচ্চারা উৎসাহ-উদ্দীপনা দেওয়ার নিমিত্ত হয়েছে, চতুর্দিকের সেই সকল বাচ্চাদের বাবা বিশেষ স্মরণ-স্নেহ এবং সেবার সাফল্যের অভিনন্দন জানাচ্ছেন । প্রত্যেক স্থানে সকলেই পরিশ্রম করেছে, কিন্তু এরা সকলে বিশেষ কার্যার্থে নিমিত্ত হয়েছে, সেইজন্য তারা তাদের হিসেবের খাতায় বিশেষভাবে সঞ্চয় করেছে । মরিশাস, নাইরোবি, আমেরিকা এক্সাম্পল তৈরি হচ্ছে, আর এই এক্সাম্পল'রা প্রত্যক্ষতার ক্ষেত্রে ভবিষ্যতে সহযোগী হবে । যারা আমেরিকা থেকে আগত তারাও কম করেনি । একেকটা ছোট ছোট স্থানও উদ্যম-উদ্দীপনার সাথে তাদের শক্তি অনুযায়ী অনেক বেশি করেছে । বিদেশে এখনও খ্রিস্টান রাজ্যের মেজরিটি । এখন যদিও সেই শক্তিক্ষয়প্রাপ্ত হয়েছে, কিন্তু তারা তাদের ধর্ম তো ছাড়েনি । তারা চার্চে যাওয়া ছেড়ে দিয়েছে । চার্চ ছেড়ে দিয়েছে, কিন্তু ধর্ম ছাড়েনি, সেইজন্য ওখানে পোপও রাজার সমান । তুমি রাজার কাছে পৌঁছালে প্রজাদেরও স্বতঃই তোমার প্রতি রিগার্ড থাকে । কটরপন্থী খ্রিস্টানদের জন্যও এটা ভালো এক্সাম্পল । খ্রিস্টানদের জন্য এক্সাম্পল নিমিত্ত হবে । কৃষ্ণ আর খ্রিস্চিয়ান-এর (খ্রিস্টান) মধ্যে কানেকশন আছে, তাই না ! ভারতের বাতাবরণ তবুও আলাদা ব্যাপার ; সিকিউরিটি ইত্যাদির ক্ষেত্রে অনেক উদ্বেগ আছে । যাই হোক, তিনি তোমার সাথে সাক্ষাৎ করেছেন সেটা ভালো । রয়্যালটির সাথে টাইম দাও, বিধিপূর্বক সাক্ষাতের নিজস্ব একটা প্রভাব পড়ে । এটা দেখায় যে সময় এখন কাছে আসছে ।

বিদেশ হিসেবে লন্ডনেও সংখ্যা খুব ভালো আর মুরলীর প্রতি তাদের বিশেষ ভালোবাসা আছে, পার্ঠের প্রতি অনুরাগী, এটাই ফাউন্ডেশন । এতে লন্ডন নম্বর ওয়ান । যা কিছু হয়ে যাক, তারা কখনও ক্লাস মিস করে না । ভোর চারটের যোগ আর ক্লাসের মহত্ব লন্ডনে সবচেয়ে বেশি । এরও কারণ স্নেহ । স্নেহই সবাইকে টেনে নিয়ে আসে । বাতাবরণ শক্তিশালী বানাতে তোমরা খুব ভালো অ্যাটেনশন দাও । যেমনই হোক, দূরদেশে বায়ুমন্ডলকেই সহায় মনে করে, তা' সেবাকেন্দ্রেরই হোক বা তাদের নিজেদের । যদি সামান্য কোন ব্যাপারও হয়, তৎক্ষণাৎ নিজেকে চেক করে বাতাবরণ শক্তিশালী বানানোর প্রকৃত চেষ্টা করে । ওখানে বাতাবরণ পাওয়ারফুল বানানোর লক্ষ্য খুব ভালো । তুচ্ছ বিষয়ে বাতাবরণ খারাপ করে না । তারা মনে করে বাতাবরণ শক্তিশালী না হলে তবে সেবাতেও সফলতা লাভ হবে না, সেইজন্য এই ক্ষেত্রেও তারা খুব ভালো অ্যাটেনশন রাখে, নিজের পুরুষার্থেরও আর সেন্টারের বাতাবরণেরও । সাহস আর উদ্যম বজায় রাখতে তারা কেউ কম নয় ।

যেখানেই তোমরা কদম রাখ সেখানে ব্রাহ্মণদেরও অবশ্য বিশেষ প্রাপ্তি হয় আর দেশেরও হয় । তারা সন্দেশও (বার্তা) লাভ করে আর ব্রাহ্মণদের বিশেষ শক্তিও বাড়ে আর পালনাও লাভ হয় । সাকার রূপে বিশেষ লালন-পালন লাভ করে সবাই খুশি হয় এবং সেই খুশিতে সেবাতে তোমরা অগ্রচালিত হও আর সাফল্য লাভ হয় । যারা দূর দেশবাসী তাদের জন্য প্রতিপালন আবশ্যিক । পরিপোষিত হয়ে তারা ওড়ে । যারা মধুবনে আসতে পারে না তারা সেখানে বসে মধুবনের অনুভব করে । যেমন, এখানে স্বর্গের আর সঙ্গমযুগের আনন্দ দুইই অনুভব করে, সেইজন্য ড্রামা অনুসারে বিদেশে যাওয়ার যে পার্ট তৈরি হয়েছে তা' আবশ্যিক এবং তা'তে সফলতাও আছে । বিদেশের প্রত্যেক বাচ্চা যেন নিজের নিজের নামে সেবার জন্য বিশেষ অভিনন্দন এবং সেবার সফলতার জন্য বিশেষ রিটার্ন রূপে স্মরণ-স্নেহ স্বীকার করে । প্রত্যেক বাচ্চা বাবার সামনে । প্রতিটা দেশ থেকে প্রত্যেক বাচ্চা নয়ন সমুখে আসছে । প্রত্যেককে বাপদাদা স্মরণ-স্নেহ দিচ্ছেন । আসার জন্য যে বাচ্চারা মরিয়্যা তাদের চমৎকারিত্ব দেখে বাপদাদা সদা বাচ্চাদের ওপরে স্নেহের পুষ্পবৃষ্টি করেন । তাদের বুদ্ধিবল কতো প্রখর ! তাদের আলাদা কোনও বিমান নেই, সেইজন্য বুদ্ধিরূপী বিমান তেজোবান । তাদের বুদ্ধিবলের প্রতি বাপদাদাও পুলকিত হন । প্রত্যেক স্থানের নিজস্ব বিশেষত্ব আছে । সিক্রিগণও এখন কাছে আসছে । যা কিছু আদি তার সমাপ্তি অবশ্যম্ভাবী ।

আমাদের সম্পর্কে যারা এই ব্রাল্ল ধারণায় ছিল যে এরা সোশ্যাল ওয়ার্ক করে না, এই পদযাত্রা দেখে তাদের ভ্রান্তির নিরসন হয়েছে । এখন আবর্তনের প্রস্তুতি স্বরিতগতিতে চলছে ।

দিল্লীবাসীও পদযাত্রীদের আহ্বান করছে, এত ব্রাহ্মণ তাদের ঘরে আসবে ! এইরকম ব্রাহ্মণ অতিথি তো ভাগ্যবানের কাছেই

আসে । দিল্লিতে সবার অধিকার । অধিকারীদের অতিথিসেবা তো দিতে হবে । দিল্লি থেকেই তোমার নাম বিশ্বে ছড়িয়ে পড়বে । তোমরা অবশ্য নিজের নিজের এরিয়াতে সবকিছুই করছ, কিন্তু দেশ-বিদেশে তো দিল্লিরই টি.ভি ., রেডিও নির্মিত হবে ।

দিদি নির্মলাশান্তাজীর সাথে :- এই চিহ্ন আদি রত্নদের, 'হাঁ জী'র পাঠ অর্থাৎ প্রতি মুহূর্তে প্রস্তুত থাকার পাঠ নিরন্তর স্মরণ করে শরীরকে শক্তি দিয়ে এখানে পৌঁছে গেছ । আদি রত্নদের এটা ন্যাচারাল সংস্কার । কখনও 'না' করেনা । সদাসর্বদা 'হাঁ জী' বলা । আর এই 'হাঁ জী'ই তোমাকে সর্বাধিনেত্রী (বড় হজুর) বানিয়েছে, সেইজন্য বাপদাদাও খুশি হন । বাবাও 'হিস্মতে বস্তু'কে অর্থাৎ বাবাও তাঁর বাচ্চার ইচ্ছাশক্তির সহায় হয়ে স্নেহ-মিলনের ফল দিয়েছেন ।

দাদীজীকে :- সবাইকে উৎসাহ-উদ্বীপনার অভিনন্দন দেবে । আর সদা খুশির দোলায় দুলে খুশির সাথে প্রত্যক্ষতার একাগ্রতায় তুমি অগ্রচালিত হতে থাক, সেই কারণে শুদ্ধ শ্রেষ্ঠ সঙ্কল্পের জন্য সকলকে অভিনন্দন । চার্লি এবং কেন ঈদের দ্বারা প্রথম ফলের যে গ্রুপ বেরিয়েছিল, তারা খুব ভালো রিটার্ণ দিচ্ছে । নিরহঙ্কারিতা, নির্মাণের কার্য সহজ করে । যতক্ষণ পর্যন্ত কেউ নিরহঙ্কারী না হয়, ততক্ষণ কেউ নির্মাণ করতে পারে না । এই পরিবর্তন খুব ভালো । সবাইকে শোনা আর অন্তর্লীন করা, এবং সবাইকে স্নেহ দেওয়া, এটা সফলতার আধার । তুমি খুব ভালো প্রোগ্রেস (উন্নতি) করেছে । নতুন পান্ডবরাও ভালো পরিশ্রম করেছে । তুমি নিজের মধ্যে ভালো পরিবর্তন এনেছ । চারিদিকে খুব ভালো বৃদ্ধি হচ্ছে । এখন আরও নতুনত্বের জন্য প্ল্যান বানাও । সবার পরিশ্রমের রেজাল্ট হিসেবে এত ফল বেরিয়েছে, আগে যারা কোনকিছু শুনতে নারাজ ছিল, তারা কাছে এসে ব্রাহ্মণ আত্মা হচ্ছে ।

এখন প্রত্যক্ষতার জন্য সেবার কোনও নতুন সাধন হবে । ব্রাহ্মণদের সংগঠনও ভালো । সেবা এখন বৃদ্ধির দিকে এগোচ্ছে । একবার বৃদ্ধি শুরু হয়ে গেলে তখন সে তরঙ্গ অব্যাহত থাকবে । আত্মা ।

বরদান:- সংগঠনরূপী কেবলকে মজবুত বানিয়ে সকলের স্নেহী, সন্তুষ্ট আত্মা ভব*
সাংগঠনিক শক্তি এক বিশেষ শক্তি । ঐক্যবদ্ধ সংগঠনের কেবলকে কেউ নড়াতে পারে না । কিন্তু এর আধার পরস্পরের প্রতি স্নেহী হয়ে সবাইকে রিগার্ড দেওয়া আর স্বয়ং সন্তুষ্টতা বজায় রেখে সবাইকে সন্তুষ্ট করা । কেউ যেন ডিস্টার্ব না হয় আর কেউ যেন তোমাদের ডিস্টার্ব না করে । সবাই তোমরা একে অন্যকে শুভ কামনা আর শুভ ভাবনার সহযোগ দিতে থাক, এই সাংগঠনিক শক্তিই বিজয়ের বিশেষ আধার স্বরূপ ।

স্লোগান:- যখন তোমাদের সর্বকর্ম যথার্থ আর যুক্তিযুক্ত হবে, তখনই তোমাদের বলা হবে পবিত্র আত্মা ।*

অব্যক্ত স্থিতির অনুভব করার জন্য এই অব্যক্ত মাসে বিশেষ হোমওয়ার্ক

যেমন, ব্রহ্মাবাবা বিশ্বাসের আধারে, আধ্যাত্মিক (রূহানী) নেশার আধারে, নিশ্চিত ভবিতব্যের জ্ঞাতা হয়ে সেকেন্ডে সবকিছু সমন্বয়যোগী করেছেন । তিনি কোনকিছুই নিজের জন্য রাখেননি । সুতরাং স্নেহের লক্ষণ - সবকিছু সফল করো । সমন্বয়যোগী করে তোলার অর্থ শ্রেষ্ঠ অভিপ্রায়ে প্রয়োগ করা ।